

南雄府志卷十三
人物列傳上

嶽鍾其靈川毓其秀調鼎功崇齋壇績懋德厚
才長仁成義就道足儀型文舒錦繡頤養恒貞
蕊珠靈鷲登諸夷梨山河並壽列人物

張九齡
譚大初

張唐

九齡字子壽始興清化鄉人也七歲知屬文十三
以書干廣州刺史王方慶歎曰是必致遠器是時
張燕公說過嶺一見文章便加題拂弱冠舉進士
擢校書郎以道侔伊呂科策高第遷左拾遺開元

南雄府志下卷之十三 人物列傳上 一

四年公獻狀開梅嶺路詔報可改司勳員外郎封
曲江縣男時說為宰相親重之與通譜系因為公
可備顧問帝思其言遷中書舍人召為集賢院學
士會撰渤海詔書稱旨遷中書侍郎以母喪解尋
奪哀拜同中書門下平章事上十秋節王公貴人
皆獻寶鏡公獨上千秋金鑑錄五卷述帝王興衰
以為鑒戒范陽節度薛王奏前太子索甲事上震
怒謂其不臣公從容曰子盜父兵罪不過笞况元
良國本豈可動搖武惠妃因離間欲立己子使中
謁者私謂公曰若有廢也必有興然公叱去之太
子得無動張守珪以斬突厥功帝欲以為侍郎又
將以牛僊客為尚書竝批鱗固爭不奉詔平盧將
安祿山入朝奏事公見于廟堂以為必亂中原上

曰卿毋以王夷甫識石勒無何用兵為敵所敗張
守珪請按軍令公曰守珪軍法若行安祿山不宜
免死上竟不從公既戾首又慮李林甫中傷因賜
白羽扇乃獻賦以自况帝雖優答卒罷政事及周
子諒劾奏牛僊客得罪乃坐舉主貶荊州長史雖
以直道黜不戚戚嬰望惟文史自娛久之封始興
縣伯開元二十八年春請拜掃南歸五月七日遭
疾薨于韶州曲江之私第享年六十有三謚曰文
獻公孝友居父母喪哀毀骨立木生連理庭產紫
芝為相亦惟直道自守彰善瘴惡見義不回帝每
用人必曰風度得如九齡否後在蜀思其忠為泣
下且遣中使于曲江祭之厚恤其家開元後天下
稱曲江公而不名所著有文集十卷姓源韻一卷

南雄府志下 卷之十三 人物列傳上 二

建中元年德宗賢其風烈復贈司徒詳見唐書本
傳

神道碑

唐徐浩 廣州刺史

有唐既受命在太宗時有若梁公房鄭公魏衛公
李格于皇天在高宗時有若梁公狄格于上帝在
中宗時有若平陽王敬漢陽王張扶陽王桓南陽
王袁博陵王崔元復宗社在玄宗時有若梁公姚
廣平公宋燕公始興公二張中興王業夫以天柱
將傾大盜方起一振剛日再闡皇獻始興公為之
公諱九齡字子壽一名博物其先范陽方城人軒
轅建國弦張受氏良位為帝師華才稱王佐或相韓
五葉或佐漢七貂代有大賢時稱盛族四代祖
諱守禮隋鍾離郡塗山令曾祖諱君政皇朝韶州

別駕終于官舍因為土著姓大父諱子胄越州剡
縣令烈考諱弘愈新州索盧丞贈太常卿廣州都
督皆蘊德葆光力行未舉地積高而成嶽雲久蓄
而作霖是生我公蔚為人傑弱不好弄七歲能文
居太常府君憂柴毀骨立家庭甘樹數株連理王
公方慶出牧廣州時年十三上書路左燕公過嶺
一見文章便深題拂厚為禮敬弱冠鄉試進士考
功郎沈佺期尤所激揚一舉高第時有下等謗議
上聞中書令李公當代詞宗詔令重試再拔其萃
擢秘書省校書郎應道侔伊呂科對策第二等遷
左拾遺封章直言不協時宰方屬辭病拂衣告歸
太夫人在堂承順左右孝養之至閭里化焉始興
北嶺峭陰巉絕大庾南谷坦然平易公乃獻狀詔

南雄府志 卷之十三 人物列傳上 三

委開道曾不決時行可方軌特拜左補闕除禮部
司勳司員外郎加朝大夫超中書舍人封曲江縣
男轉太常少卿出為冀州刺史以庭闈在遠表請
罷官改洪州都督徙桂州都督攝御史中丞嶺南
按察兼選補使黜免貪吏引伸正人任良登能亮
賢勞事澤被膏雨令行祥風屬燕公薨落斯文將
喪擢秘書少監集賢院學士副知院事時屬明党
頗將排抵窮樓歲除深不得意渤海王武藝違我
王命思絕其詞中書奏章不愜上意命公改作援
筆立成上甚嘉焉即拜尚書工部侍郎兼知制誥
扈從北巡便祠后土命公謨赦對御為文凡十三
紙初無藁草上曰比以卿為儒學之士不知卿有
王佐之才今日得卿當以經術濟朕累請歸養上

深勉焉遷公弟九臯九章官近州里伏臘賜告給
驛歸寧遷中書侍郎丁內憂中使慰聞賜絹三百
疋奔喪南歸耐塋先塋毀無圃生益不容粒白雀
黃犬號噪庭塋素鳩紫芝巢植盧隴孝之至者將
有感乎既卒哭復遣中使起公本官同中書門下
平章事口救敦喻不許為辭聞命號叱使者逼迫
及至闕下懇請終喪手詔有曰不有至孝誰能盡
忠墨練之義不行蒼生之望安在朕以非常用賢
曷云常禮哀訴即宜斷表賜甲第一區御馬一疋
尋遷中書令集賢學士知院事修國史初公作相
也奏差擇元戎皆取良吏不許入奏罷常奏諸軍
兵省年支賜諛臣讒議事竟不行明年公奏籍田
躬耕禮節加金紫光祿大夫進封始興伯每天長

節公卿皆進衣服公上千秋金鑑錄五卷述帝王
興衰以為鑒戒公直氣鯁詞有死無貳彰善瘅惡
見義不回范陽節度薛王奏前太子索甲二千領
上極震怒謂其不臣顧問于公曰子弄父兵罪當
咎况元良國本豈可動搖上因涕泣遂寢其奏武
惠妃離間儲君將立其子使中謁者私于公曰若
有廢也必將興焉公遂叱之曰宮闈之言何得輒
出御史大夫李公尚隱大府卿裴公由先不禮中
官皆忤上旨必在殊責公全庇焉幽州節度張守
珪綠降兩蕃斬屈突于將拜侍中涼州節度牛仙
客以省軍用將拜尚書竝觸鱗固爭竟不奉詔平
盧將安祿山入朝奏事見于廟堂以為必亂中原
固請誅戮上曰卿無以王衍知石勒此何足言無

何用兵為敵所敗張守珪請按軍令留中不行公
諫曰穰苴出軍必誅莊賈孫子行令亦斬宮嬪守
珪所奏非虛祿山不當免死再上懇請上竟不從
邊將蓋嘉運籌上策密發將士襲平西戎公以為
不可安舉結後代讐非皇王之化也又不納及
部亂常邊戎逆命玄宗追歎公歿後不復聞忠謹
言發中使至韶州吊祭其先見之明有如此者學
究精義文恭微旨或有興託或有諷諫後之作者
所宗仰焉上表論事多機密奏入皆削藁人莫能
知常以致君先舜齊名管樂行之在我何必古人
由是去循資格置採訪使收板幽滯引進直言野
無遺賢朝無缺政百揆時序庶工允釐同儕見疾
內寵潛構罷公為尚書右丞相初不介意居之坦

南雄府志下卷之十三 人物列傳上 五

然執憲者素公所用勘奏權臣豈冠得罪借以為
累貶荊州長史公三歲為相萬邦底寧而善惡大
分皆憎者豈虞機密發投杼生疑百犬吠聲豈
皆怒每讀韓非孤憤涕泣沾襟開元二十八年春
請拜掃南歸五月七日遭疾薨于韶州曲江之私
第享年六十三皇上震悼贈荊州大都督有司謚
行文獻公越來歲孟冬塋于洪義里武臨原近于
先塋禮也夫人桂陽郡夫人譚氏循州司馬府君
誨之子也淑慎宜家齊莊刑國珮環有節纂組皆
工幼作女儀長為內則太夫人樂在南國不欲北
轅克勤奉養深得婦禮至德二年十月六日終私
第春秋七十有七同塋異穴卜兆從宜公仲弟九
臯宋襄廣三州刺史採訪節度經畧等使殿中監

南雄府志下卷之十三 人物列傳上 六

青蠅營營不瞑猶視雖歿如生昭昭令名千古作

曲江集序

明邱濬

古今說者咸曰唐相張文獻公嶺南第一人也嗟乎公之人物豈但超出嶺南而已哉蓋自三代以至於唐人才之生盛在江北開元天寶以前南士未有以科第顯名而公首以道侔伊呂科進未有以祠翰顯者而公首掌制誥內供奉未有以相業顯者而公首相明皇公薨後四十餘年浙士始有陸敬輿閩士始有歐陽行周又二百四十餘年江西之士始有歐陽永叔曾子固諸人起于易代之後由是以觀公非但超出嶺南蓋江以南第一人也公之風度先知見重于明皇氣節功業著在信

李弟九章温吉曹等州刺史鴻臚卿腰金拖紫三盧為榮立德行政二馮推美嗣子拯居哀以孝聞立身以行著陷在寇逆不受偽官及後復兩京特制拜朝散大夫太子右贊善大夫孫載器河南府壽安尉永保先業克稟義方姪抗殿中侍御史文更雅才清公賢操以兄拯早世姪藏器幼孤未建豐碑乃刻樂石用展猶子之慕庶揚世父之美浩義深知已兼以文章禮接同人惠莫甥舅薄技效德無媿其辭銘曰鳳生丹穴鵬翥南溟天垂粹氣地發精靈傑生我公揚于王廷甫稱降神說表騎星學究經術文高宗匠再掌司言爰立作相忠義柱石謀猷帷帳王綱允釐帝采惟虎退居右揆出守南荆立鶴緝翼

史播揚于天下後世唐三百餘年賢相前稱房杜後
稱姚宋胡明仲謂姚非宋比可以宋齊名者公也
由是以觀公散名曄曄在人口耳非直以其相業
且甚有文名史稱其七歲知屬文張說謂其為後
出詞人之冠又與徐堅評其文如輕練素練實齊
時用柳宗元亦謂其能以比興兼著述予生公之
百餘年之後慕公之為人童穉時常得韶郡所刻
金鑑錄讀之灼知其偽有志求公全集梓以行世
自來京師游太學入官翰林每遇藏書家輒訪求
之竟不可得蓋餘二十年矣歲乙丑始得曲江集
于館閣郡書中手自抄錄僅成帙聞先妣太宜人
喪因携南歸期免後自刻之道韶適友人五羊涂
君璋倅郡偶語及之太守毗陵蘇君韓同知莆田

南雄府志下卷之十三 人物列傳上七

方君新謂公此集乃韶之文獻請留刻郡齋嗟乎
公之相業世孰不知其文則不盡知也矧是集藏
館閣中舉世無由而見苟非為鄉後進者表而出
之天下後世安知其終不泯泯也哉是以不揆愚
陋僭書其首

臣進九齡言伏見千秋節日王公以下悉以金寶鏡
進獻誠貴高之尤也臣愚以謂明鏡所以鑑形者
也有妍媸則見之于外往事所以以鑑心者也有善
惡則省之于內故皇帝鏡銘云以鏡自照見形容
以人自照見吉凶又古人云前事之不遠後世之
元龜元龜亦猶鏡也伏惟開元神武皇帝陛下聖
德之至勤與天合本已全于道體固不假于事鑑

然履載廣大無所不包聖道神虛有求皆應臣敢
緣此義謹于生辰節上事鑑十章分為五卷名曰
千秋金鑑錄雖聞見福淺所擇不深至于區區效
愚其庶萬一不勝悃欵之至謹言

按韶州府有曲江公千秋金鑑錄一冊共計十
有七頁是其裔孫張希祖重刻于隆慶五年者
此是宵壬偽撰污蟻大賢昔邱文莊公亦嘗言
其非真不得不亟為駁正以比丞相之禦侮焉

附辨偽序

玄宗明皇帝御宸齡就中書焚藁退相位後訪韓
休公韓之長子義可齡之婿也韓久訴興亡之策
命齡哀次抄錄付之義可再訪前老相宋璟廣平
公之墓韓為廣平公之墓志時廣平公之次子成亦

南雄府志下卷之十三 人物列傳 八

娶齡之次女嘗抄是錄付二婿使玩索見惟學則
素衣之人為上違不學則赭衣之人為白士此錄
不傳不賢不正非臣非君非禮非義非神非德之
人付于韓宋二婿之後此錄一千年之後方布人
間非吾子孫不得記錄是吾子孫因斯立勛先北
後南子孫必有興者如用之則後錄以行非人而
傳必遺憲也此九齡胸次筆錄云耳

陸世楷曰金鑑一書既進明皇應廣流播使人
共讀用致昇平而云非吾子孫不得記錄非人
而傳必遺刑憲乃似道教相傳符錄豈是丞相
大道為公其偽一也况素衣朱襟固非白丁赭
衣罪服詎比軒冕曾是丞相而此訛舛其偽二
也書成進上自公手輯韓訴義可公乃攘美其

偽偽此書初進必已盛傳世遠言湮遂難搜訪
何至千年乃許流布故遲其期以掩後出其偽
四也非臣非君非神非德文理醜惡有同魍魎
欲以貌公豈堪優孟其偽五也

附辨偽表

臣張元齡言臣之適祖公謹仕為荊州范陽遷始興
郡承未幾奉前帝詔回丹宸克侍御史後進上凌
煙閣遺臣父子始興郡詔治名宗振故祖在京師
杳寫振不能親斯失亾祖之勲也振生臣九齡
于彼衣食不給幼慕文學忝大唐之盛世媿獲臣
螻蟻之軀鯤鵬之質蒙聖上矜憫書生用齡第開
元進士恭惟皇帝陛下天性惠聰龍顏慈俊寶德
安邦民之象謳歌歸帝闕之仁主鎮山河德安社

南雄府志下卷之十三 人物列傳上九

稷臣齡受命沾德常以忠直奉上于開元二十二
年丞相韓休公薦臣為中書令至二十四年幽州
節度使執敗軍將安祿山送京師齡不負忠情懷
忠弭佞愧不能知否言終不合批張守珪軍令若
行安祿山不宜免死上惜其材勇而赦之臣力爭
而言祿山有反相不誅必有後患上責臣直卿勿
以王衍識石勒枉害忠良竟不誅而用守珪之愛
守珪又進竄干與安祿山同用驍勇守珪遣人奏
事上賜竄千名史思明此則是上念非不顧其失
遂使臣緘口默識不能伸其忠直今上病至心腹
不知察也臣自負其慮懷忠直而進惜哉玉石難
分君臣異易吳不用子胥之諫國已空虛鄧不聽
三甥之謀實罹楚禍今是千秋御節群相獻寶呈

珍惟海嶠書生敬獻千秋金鑑錄五卷分作十張
拜上皇帝陛下伏望天顏電覽龍御呈眸頗通興
廢之由始末玩詳非誤齡願留國土臣乞身誅刀
戟在前斧鉞在後齡忠言直諫死而無悔也悵哉
痛哉斯文必勝于今日群臣之寶與臣齡誠惶誠
恐稽首頓首死罪不揆鹵莽敬報洪恩匭進
表以聞

陸世楷曰據稱伊祖為令荆州范陽范陽在北
今之房涿試尋荆州絕少此縣其偽一也杳寫
字面體涉刀筆豈公風雅劣劣至此其偽二也
又其所比鯤鵬之噴東方自譽安可對颺其偽
三也更若龍顏慈俊主鎮山海及獻寶呈珍龍
御呈眸等語委巷歌謠醜態畢露其偽四也君

南雄府志下卷之十三 人物列傳上 十

前臣名此是定制韓休稱公無人臣禮其偽五
也既留國土又乞身誅時正明良唐突請死其
偽六也投匭告密始子武后千秋大節百官朝
賀堂堂進奏何事匭封其偽七也况公之此書
述前興廢不及近事錄中所載頗相倍戾其偽
八也又所記金鑑五章其非舛鄙陋都非人類
而最甚者如淚灑巴山艱行蜀道及冢亾國破
以至開元之年即稱玄宗又云謀壽王貴妃為
妻夫金鑑之時未有此事前後倒置二十餘年
而况此外狄青儂督高姓名蘭入附會織締尤
為詐妄不道如近世白蓮妖人等所為倘丞相
靈爽在天何堪受此長誣也乃近時僉憲周公
所刊曲江文集已將偽表溷收予特亟為辨正

仍真韶陽諸當事速將偽表刪去而裔孫張希祖
 所梓一種立應火其書碎其板使日星河嶽不
 致為奠穢所蒙實大有功于名教也
 陸世楷曰凡郡邑之有先賢也誠足為邦家之
 光然其地或無而必欲攘而有之如三縣之爭
 歐陽公兩邑之爭許睢陽則至今未有定論也
 戴叔鸞有云孔子獨生東魯大禹獨長西羌夫
 豪傑之才正當崛起以自樹立曾何藉于前人
 而必欲居之以為榮哉乃若張丞相文獻先生
 者自唐時已稱曲江公天下無不知其土著曲
 江也然實今始興人則不可辨焉考陸應陽
 廣輿記則以文獻列于南雄其言曰雄州未建
 之前均隸曲江既乃析曲江為雄州則文獻實

南雄府志下卷之十三 人物列傳上 十一

始興人也今宅址尚存其可據者一也又考曹
 學佺名勝志則以文獻故宅在雄別業在韶其
 言曰桂山在始興北界按曲江集有南山下舊
 居詩相傳在曲江縣南五里而韶郡志亦云家
 園實在今始興縣故于桂山下云張九齡故宅
 在此此其可據者二也又考之黃佐廣東通志
 載曲江園諸詩且云冢園實在今始興縣此其
 可據者三也又考之圖志文獻生于清化鄉律
 水上宋時始興縣猶有丞相戶至今子孫家焉
 書堂邱墓具存其曰曲江公者雄州未析原隸
 子曲江今清化鄉分屬始興則文獻之產于始
 興無疑此其可據者四也予特表之以與世之
 攘奪者異毋或同類而共譏焉

譚明

譚大初字宗元號次川始興籍保昌人宋朝散大夫
煥之後生而穎異十歲為郡諸生督學魏校深奇
之嘉靖丁酉應貢復領鄉書以貢資還公帑或以
為矯正之大初曰受此令心不慙豈矯乎連登進
士出跨蹇驢人笑之弗顧也以憂歸修郡志公而
核士林多之赴選授工部主事痛革積弊不遺餘
力久之復以憂去起補戶部選為戶科給事中
部屬未改科者歷兵刑左右給事奉使冊封
藩餽遺一無所受秩滿擢江西按察副使獨振風
紀祝權勢貌如也清戎多所開豁御史孫慎以失
額為疑大初曰失額罪小殃民罪大慎從之理驛
傳嚴革冒濫撫院或借資庇其故人亦峻拒焉過

南雄府志

卷之十三

人物列傳上

士

上

者多避道而去民有枉抑必直之于譚時察案晒
曰訟牒亦有市顧乎時嚴嵩專柄其親黨屢奪人
產有司莫敢問大初得其實悉麗于法嵩滋不悅
秩滿年僅五十具疏乞休疏甫至擢廣西叅政不得
已就職值桂林勞米價騰湧請督府開倉發糶
便宜賑恤存活十餘萬人粵右賴之在事二年值
妻子連喪悲哀疾作遂上疏乞解職不待報而行歸
築拙逸軒讀書其中時或鼓琴一曲陶然而樂
無復仕進意嘉靖丙寅召用耆碩起河南右叅政
連擢南京右通政應天府尹三奉詔書不敢復辭
穆宗即位疏乞以叅政致仕不許晉工部侍郎遷
戶部左侍郎總督倉場貴戚權璫侵民田土必躬
覈之所侵悉歸之民力薦僉都御史海瑞可大用

累乞休不許轉南京戶部尚書道出淮陰復引疾
乞休獲以尚書致仕歸家田不滿百畝深居簡出
人罕見面卒年七十五有司以聞詔賜祭塋諡莊
懿所著有次川存稿八卷族譜五卷遺戒子孫勿
請卹典勿求墓表論者謂其湮不能緇寵不能榮
進以三讓退以一辭庶幾古大臣風云後督學孫
錄祀之學宮子音以貢歷上石西州知州所在著
惠政有蕪介敬孫學顏廕國子生
尚書馬森言生平見廉節士二人吳嶽與譚大初耳

史明墓志

明馬林尚書

南雄自唐張文獻公至明弘治甲子歷七百有餘
歲而譚次川公始生大賢之在天壤間豈易得哉

南雄府志下卷之十三 人物列傳上 三

以予觀千次川公之平生蓋少壯躬行守身至老
而立不易方者也公諱大初字宗元號次川本宋
朝散大夫譚煥之系也煥舉八行登大觀己丑進
士六傳至子敏者為銅仁教授生懋材懋材生壽
昌丞遜遜生昇昇生三子李驥即公父也篤信坦
彛善醫活人邁種德鄉評重之嫡母生母皆劉氏
公生穎異十歲補郡庠生督學魏莊渠公奇之令
擇師受正學郡守憲學諸公無不引重惟魏莊渠
與太守倪公宗正所期待誨示則不止于科第者
故公雖習舉業知讀經史性理一洗俗學之陋而
志道日新年三十遭父喪哀戚甚請于兄力行古
禮革去雄俗舊習郡人化之服闋出試主司輒稱
奇尋應歲貢仍科舉既中嘉靖丁酉鄉試即以原

領路費還官署郡節推侯公廷訓深以為迂公固
辭不受諷以橋稅羨金為贈又堅辭謝卻之戊戌
連登進士獨跨一蹇驢代步市人笑之不顧也時
明堂禮成奉詔恩放歸省庚子赴選奔生母劉淑
人喪癸卯服闋除授工部營繕司主事管修京通
倉并磚料以密邇京圻多請托耗冒公獨特議覈
釐積弊部堂可之令為例至今遵守尚書某者慮
忤權貴密有東西人善處之諭公以正對不敢徇
情書上蔡先生言萬事其實有命人力計較不得
一段揭之座右以自信甲辰奔嫡母劉淑人喪丁
未服闋復除戶部河南司主事時以朝議成高公
持正改授戶科給事中適當編審鋪商富豪皆倚
城社謗懟易生宰執為難之公曰藏富于國不若

南雄府志下卷之十三 人物列傳上 齒

藏富于民某敢執此以往既省成而上下安之已
酉陞兵科右給事中以冊封淮藩金華王克副使
行庚戌陞刑科左給事中顧言職有不得盡者求
外補陞江西按察副使獨持風紀不撓權豪清理
軍伍審妄報者悉為開豁御史孫公慎以不及顯
為言公迺正色曰取足分數貽害于民非法意也
孫公從之其驛傳官符革冒濫尤嚴即本省撫軍
有給一術士投驗亦塗抹不准行撫軍聞之但愧
服而已因建議請撫按當身先諸司毋市恩損民
分宜宰執進賢冢卿家人來往必持符且頻數公
一切裁革至絕不敢入省取道奉新以行鄉民有
下情枉抑咸呼訢譚青天申理予為按察使公以
同心極相得因私與語直道難行公曰我將辭去

遂謀乞休撫按不允又請給由行亦不允予委曲
為言之乃得行其實冊未造報假此計歸惟予知
之抵大湖疏中途患病乞致仕太宰李古冲公舊
知阻之意其避忤時宰但陞廣西左叅政俾離江
右云乃入粵西仍欲遂初志以方抵蒼梧督府即
留分司到任署管兩江兼守巡代從按院巡歷南
寧至潯州又請提調鄉試還司試事竣以署司篆
不敢言去丙辰勞米價騰踊請督撫發梧州倉糶
全州粟便宜賑恤粵人賴之後左使且至值家報
次子皆殤陳淑人繼卒公悲傷疾作去志益決求
院代奏不可居梧一月遂自陳不待報而行抵家
始奉旨得致仕營塋妻子于遠逕山原自治生墳
虛左為志陳淑人墳既而親友以公一子未抱孫

南雄府志下卷之十三 人物列傳上 五

勸再娶公不可後擇始興南坑謝通秀室女為妾
意鄉居未見紛華易董以女誠也遂于屋後隙地
築一小軒題曰拙逸讀書其中門人弟子來問學
者隨機應之多有起發暇則鼓琴一曲歌情節詩
數章陶然而樂絕意仕進嘉靖丙寅世宗肅皇帝
用元輔大學士徐公階言舉耆舊起公河南右叅
政即轉南京右通政皆辭不就而應天府尹之權
報至君命三臨義不敢後乃治裝行至桐城聞世
宗皇帝大行詔住彼哭臨服闋赴任遵隆慶改元
例自陳奉旨照舊供職時予亦轉南京戶部尚書
會留都歡甚無何復以疾辭不允予亦改戶部行
別至中途聞公擢工部右侍郎報到部聞公子音
先在候貢選奉公疏來謁言元老堂正卿俱止勿

上予曰吾知而父心難言也子自裁之竟投奏復
留不允公不得已趨命入京師朝謝畢上任猶居
朝房三月餘改戶部右侍郎奉勅總督倉場予喜
得同寅協恭遇齋宿又朝夕談心論政益相契切
磋公曾疏陳末議以裨財用舉實才以濟時艱倉
約有禁練兵有議悉見施行而以衰年孱弱每懷
退志因予聞母病感觸嘔血求去不允公又奏乞
休有礙再陳貽書止之即聽停待予復不得請公
東慰曰昨見溫旨勉留在聖心眷注老臣固然在
公迫切至情則甚不然諭以調攝稍緩再圖共為
此舉後三疏予得蒙恩賜歸而公尚留京師累疏
不遂越庚午春陞戶部尚書至淮公舊疾復作陳
乞照侍郎原職放還奉旨准以尚書致仕遂浩然

南雄府志下卷之十三 人物列傳上 共

長往矣歸來修葺故廬並拙逸小軒與門弟子講
明舊學從者日衆曾口占有老眼摩挲還識字小
齋重葺待君來之句非守先王之道以待來者乎
有田數十畝瓦屋八九間安居自給不厭貧陋婚
嫁男女惟隨力可為取足成禮修祖父暨兄墓次
第經理捐囊資助族人買置祭田儉不之用約而
能施嘗自言曰士君子保初節易保晚節難日競
競業業恒若寡過未然而失得不入于心萬曆六
年戊寅五月十六日溘然而逝距生弘治甲子九
月三十日壽七十有五配陳氏封孺人加贈淑人
先公二十三年卒側室謝氏男四長音由貢任太
平府通判修已行政能紹家聲次皆殤次者次曆
女四一適齊宗孔一適貢士汪一豐與音皆俱陳

淑人出一適陳濂一許邱民任與首層俱側室謝
出孫男二長學顏以公廕補國子生次學伊孫女
二一適國子生劉先佐一適邱世顯公長子音將
以其年月日奉公柩于遠逕之原塋公所自塋墳
先塋淑人所虛左壙以予為公海內石交介齋公
門人陳生嘉音所具狀請志其墓聞去嶺南遠方
始聞公訃向介者哭且慟而額天曰何奪我良友
耶憶昔同官江右執手臬司曾言為諸生時李古
紳公僉憲攝學政特刮目接引比謂科舉邀飯署
中別出酌三爵而三祝之一曰願子雋後勿謂學
使者關說童子二曰願子勿關說椒粟三曰願子
勿關說農氓子不必遠有所慕且以張文獻為法
慎毋以近今士夫自待也某佩服之惕若至今予

南雄府志下卷之十三 人物列傳上 七

上

題歎曰公能不忘善言必有諸已如是若森徒受
林立齋先師之訓有愧公多矣因出所錄師語數
篇公覽之喜不釋手且言年十八蒙郡太守倪公
考居首許可共學督誨且深每召見必問心中
何疑都不見汝問對曰無疑公曰汝有疑題有問
有問題有答汝既不能問是無受教之地我從何
處說起嘗感激此言不得要領今味語錄始知必
有事焉端的遂命善書者抄寫數十冊寄惠鄉黨
同志者共之可見公之苦心好學未嘗忘念若此
故能束修家食亮采公朝履信蹈彛從容乎進退
之間澹不可緇寵非能榮而視曲江張文獻公為
足繼也痛念徂夏五月始拜公寄寧德劉司訓二
月手書計答緘到且無及而今又志公之墓者乎

揮淚叙述乃作銘曰猗與南雄惟曲江公伊譚世德邁種其豐憲憲尚書令名無窮貽厥哲命順事以終家衍慶祥朝紀宗功誰如既沒百世流風望望雲中卓彼喬松宅兆遠逕帝命惟封千萬斯年丕顯尤同孰不仰止曰此次川之幽宮陸世楷曰按次川公自叙年譜公生弘治十七年甲子九月三十日子時癸酉十歲補弟子員初名大本十六歲受知督學余公改名大初又次川公寢樓上二母寢樓下每雞鳴母以杖上擊樓板呼僕起燃燈火聞伊唔稍懈輒厲色曰又斡睡矣其篤于教子如此年十八赴督學陳公考廉試時鄰鋪生有問題者公不免答之陳公使伍伯決杖且十公二十三歲赴督學魏恭

南雄府志下卷之十三 人物列傳上六

簡公歲試列名第六獎賞後呼公聽堂下謂諸有司曰此子姿秀可造但以一貢自足吾初試第二再試第三今試第六何以都不復進仍予十杖以策勵之公三十四歲督學嘿泉吳公初入境即先試雄蓋不欲昂考童多其勞費也發案公遂冠軍吳公期其必中是年闕三終後吳公閱公文喜曰連捷必矣仍飲公三爵始舉一爵祝曰汝母赴督學關說童子也舉次爵祝曰汝母赴海道關說椒票也舉三爵祝曰汝母赴藩司關說農民子也一惟張文獻公是法慎母以近今士大夫自埒耳勉哉次日榜發公以歲貢僅中末名明年即登進士得第矣凡公所受知諸賢多以文義激發品行勸勉絕無世俗

波靡之習嗚呼我思古人實獲我心矣
按譚莊公祖父盧墓俱在保昌北門外其子
孫亦世居懿昌今昌邑北門外尚書里生於
貞珉以莊懿公得名也其自叙年譜有云生
於北閩外世顯街又自叙付學使有云生員籍
載始興籍保昌人故

嘗論大臣任寄官居要路而無忝於彌亮之職
者必有卓越之德器焉必有交泰之際遇焉必
有煒奕之表建忠愛之悃忱嚴正之氣節焉雖
時勢迫殊事為各別而道總無不同也吾郡先
正張文獻公九齡譚莊懿公大初其先後同揆
而有符節之合與考文獻公七歲能文孝感連
理廣州刺史王方慶識為致遠器莊懿公十歲
補郡庠居喪力行古禮督學魏莊渠公嘗奇之

南雄府志 卷之十三 人物列傳上 九

是其德器同一卓越於尋常也其筮仕也文獻
公際唐玄宗攘內難而啟新命一時姚崇宋璟
張嘉貞張說韓休諸賢在列莊懿際明世宗中